

Komunis bukan juara keamanan, kata MB

SEKINCHAN, Ahad — Komunis bukanlah juara keamanan tetapi peraih kesengsaraan dan pembatal kebebasan manusia, kata Menteri Besar Selangor, Datuk Haji Ahmad Razali Haji Mohd. Ali.

Berucap di majlis perjumpaan sivik di sini, semalam, beliau berkata, komunis sentiasa mencari kesempatan mempengaruhi orang ramai dengan untuk mewujudkan suasana resah gelisah dan tidak puas hati.

Komunis katanya, akan mempengaruhi siapa saja termasuklah pegawai kerajaan, ahli politik, cerdik pandai dan kanak-kanak sekolah.

"Mereka menggunakan pujuk rayu, jan-

ji-janji manis dan wang ringgit sama ada berbentuk sosial atau politik. Mereka juga menggunakan isu-isu agama dalam menjalankan dakwahnya," katanya.

Kebahagiaan

Beliau menyeru rakyat khususnya di Selangor berwaspada terhadap tindak-tanduk komunis dan memberikan sokongan penuh kepada kerajaan bagi membanterasnya.

Katanya, Kerajaan Selangor berazam melaksanakan projek pembangunan secara cekap, bersih dan amanah bagi meningkatkan pendapatan rakyat tanpa mengira kaum.

Dalam menumpukan perhatian kepada pem-

angunan katanya, kerajaan juga memberi perhatian berat terhadap keselamatan negara.

Katanya, keselamatan negara menjamin asas pembangunan kerajaan yang dirancang untuk kebahagiaan rakyat seluruhnya.

Kerajaan katanya akan meneruskan tindakan membanteras kegiatan anti-nasional, penyeludupan dan penyalahgunaan dadah dari masa ke masa demi untuk mengekalkan keamanan dan keharmonian kaum.

Dua beradik bekas anggota pertubuhan bawah tanah dari Pergerakan Liga Pembebasan Rakyat Malaysia berucap dan membuat ikrar taat setia kepada kerajaan dalam majlis tersebut.